

in der zeit der ablösung bezahlt/ vnnnd in zehen Gũlden Zinses/
schwerlich acht Gũlden gefallen würden.

Der Kauffman aber würde dennoch so gar die Lande nicht
meiden/ es würden noch Händeler ihre Kauffmans Wahr ins
Land schicken/ vnd die Wahre nach dem werth des Silbers acht
ten/ vnd so viel die Münz am Korn weniger hielte/ denn die alte/
so viel teweer würden sie die Wahre geben.

Wolten wir denn die Wahre an andern örthen kauffen/
oder die Leut in andern Landen bezahlen / durch wandern vnnnd
zehren/ so wolten vns vnser geringere Münz nicht gelten / müs-
sten daran verlihren vnd schaden leiden/ wie jeso vffm Reichs-
tage zu Auspurg geschach. Du sihest das die Märckischen Kauff-
leut alwege an ihrer Münz treflich verlieren müssen / wenn sie
in vnser Lande zu Marek ziehen/ vnd ire gewerb vnd nothdurfft
kauffen wollen / sie müssen ihre Fische alhier ins Land führen/
vnd die basfeiler geben/ denn sie selbst erkauft/ allein darumb das
sie den Wechsel machen/ vnnnd gute Münze bekommen / die
sie bey vns wieder anlegen/ an ihren Kauffmans gewerb. Also
würde es vns auch gehen/ weñ wir geringe Münz hetten/ zu des-
me das wir im Lande keine solche Wahre hetten/ die wir gegen
Nürnberg/ Auspurg/ Franckfurt an Meyn vnd dergleichen ör-
the führen köndten/ wenn wir doran gleich verlieren wolten /
damit wir vnsern Wechsel machten/ wir wolten denn nasse
wahr/ Torgisch vnd Belgerisch Bier dahin führen / vnd mehr
vffs fuhrlohn wenden/ denn die Wahre wierdig/ wolte also fol-
gen/ das der gemeine Handelsman im Lande/ im grund vortere-
ben müste.

Vnd darumb/ wenn du gleich gering Münze schlechst/ so vers-
treibstu dennoch den frembden vormäglichen Kauffman ganz
nicht aus dem Lande/ du verkömpst auch der Leute vor-
witz nicht / denn gleichwol wil ihme niemands man-
geln